

a l' Arsenal, dannando il cassar di tal homo, ch'è il primo capitano havemo da poi el capitano zeneral etc.

277• Et li rispose sier Hironimo Grimani savio a Terra ferma, laudando la sua parte, dicendo questo è il tempo più abile che mai di cassarlo et, tenendolo lui et la sua compagnia ruinarà li nostri territorii dove alozerano etc.

Andò la parte. Fu presa. Ave : . . . Et di questo fo comandà gran credenza et sacramentà el Conseio per doi giorni.

Fu poi a hore 2 di note posto per li Savi del Conseio, excetto sier Alvise Mocenigo el cavalier, et Savi a Terra ferma, exceto sier Hironimo da chà da Pexaro, elezer *de praesenti* con pena, di ogni loco et officio continuo, 4 oratori, quali vadino al pontefice a darli ubedientia, et a la Cesarea Maestà ad alegrarsi di la paxe fata : menino con si 100 cavali et il secretario con il suo servitor : li siano dati a bon conto per spexe ducati 2000 *ut in parte* : menino 4 stafieri per uno, et tutto a spexe de la Signoria nostra, quali, fato tal officio, debbano ritornar etc.

Et sier Alvise Mocenigo el cavalier, savio del Conseio et sier Hironimo da chà da Pexaro, savio a Terra ferma, voleno siano eleti 4 oratori soli a la Cesarea Maestà con li modi *ut supra*, quali debano dir al pontefice che havemo electi zà li oratori per il tempo passà a dar ubedientia a Soa Santità, et zonto el sii a Roma li mandaremo.

Et sier Alvise Mozenigo el cavalier sopradito, andò in renga et laudò la sua opinion, dicendo quello ne ha mandà a dimandar el papa, per il legato in Colegio, di sali di Zervia, li possessi di vescoadi et la confirmation de la bola de papa Julio, al qual lui hessendo in settimana li fece la negativa etc., et poi vene la paxe. *Item*, come il datario episcopo di Verona era venuto con uno brieve del papa, di 18, et lo fè lezer al Conseio, el qual datario è causa di questo, et non si fida de lui etc., però meglio è indusiar a darli ubedientia, con altre parole.

Et li rispose sier Marco Dandolo dottor el savio del Conseio, laudando la parte di Savi, et li 4 oratori seuserà a tutti do, et bisogna tegnir el papa benivolo.

Et li Savi ai Ordeni messeno a l'incontro elezer *de praesenti* uno orator al Signor turco con ducati 150 al mexe per spexe, meni con si persone . . . computà il secretario con il suo servitor, et parti con la comission li sarà dà da questo Conseio. Et a-

tento non si pol meter scontro noma per quella cosa che si trata andò in renga sier Lunardo Emo savio del Conseio, dicendo lui è stà quello ha mosso li Savi ai Ordeni a meter questa parte, perchè al tutto bisogna far uno orator al Signor turco, ma si farà questa altra settimana, et parlò su la parte, biasmando sier Alvise Mocenigo di la sua opinion etc.

Et li rispose con poche parole sier Hironimo da chà da Pexaro, per la sua opinion.

Da poi andò in renga sier Marco Antonio Sanudo, è di la Zonta, qu. sier Benedetto, et parlò contra l'una et l'altra opinion, dicendo voria se facesse hozi 4 oratori al papa et 4 a l'imperator, et non far 4 che fazi un medemo officio, perchè ne l'un nè l'altro, mandando 4, se tenirà satisfati etc. 273

Non li fo risposto, ne alcun di Colegio senti la sua opinion, et andò le parte : . . . non sinceri, . . . di no, . . . del Mocenigo, . . . di Savi, et questa fu presa.

Et cussi fu tolto el scurtinio, el qual è questo qui sotto scritto, con boletini, et si vene zoso di Pregadi passà hore 5 di note.

Scurtinio di 4 oratori al Summo Pontefice et Cesarea Maestà, iusta la parte.

Sier Domenego Venier fo ambador al Summo Pontefice, qu. sier Andrea procurator	62.139
Sier Andrea Lion el procurator . . .	47.153
† Sier Lorenzo Bragadin el consier, qu. sier Francesco	121. 84
Sier Marco Antonio Venier el dottor et ambador a Ferara	51.155
Sier Francesco Donado cavalier, fo savio del Conseio, qu. sier Alvise	102.103
† Sier Alvise Gradenigo savio del Conseio, qu. sier Domenego el cavalier	143. 70
Sier Domenego Trivixan el cavalier, procurator, savio del Conseio . .	21.184
Sier Lunardo Emo savio del Conseio, qu. sier Zuan el cavalier	118. 94
† Sier Alvise Mocenigo el cavalier, savio del Conseio, qu. sier Tomà	147. 58
Sier Lunardo Mozenigo procurator, fo savio del Conseio, qu. Serenissimo.	13.191
† Sier Marco Dandolo dottor, cavalier, savio del Conseio, qu. sier Andrea .	120. 88

Noto. Questa matina se intese, *tamen* non è